

Мокшэрзянь
ВЛКСМ-нь обкомт
и Саранскань
Горкомт газет-
сна

Редакцият адресок:
Саранск, ул. Карла
Маркса 9—Комсо-
молонь вайгаль

Газетат питец
новс 60 трешник



Комсомолонь ВАЙГЯЛЬ

14
СЕНТЯБРЬСТА
1935 КИЗОНЯ
102 (203) №

Лисонди омбоце киза калта 12

Кочксихть ВЛКСМ-нь ЦК-ть XI
пленимонц решениязон

ИЧАЛКИ. Комсомолецнень вийс-
нон мархта паксянь станга и бри-
гадава колхозникнень и аф союз-
най од ломатнень йоткса кочксе-
вихть ВЛКСМ-нь ЦК-ть XI плени-
монц решениязон, а станжа КО-
САРЕВ и АНДРЕЕВ ялгатнень кор-
хтамаснон XI пленумса.

ПЫРЯЕВ.

КОМСОМОЛУ ПРИМСЕМС ПОЛИТИЧЕСКИ АНОКЛАФ ОД ЛОМАТТЬ

Минь Советской Союзонь ленин-
скэй комсомолсь социалистическэй
строительствань сембе этапнень
эзда эсь прынц тавалозе героичес-
кай славаса. Заводга, фабрикава,
колхозга школава комсомолсь эсь
ударнай работанц и тонафнеманц
мархта песта пес лядонц вернай
лездыкс коммунистическэй парти-
яти. Комсомолсь эсь рядонзон эса
касфни и закаляндакшни инь це-
бярь боретт социализмань тевть
инкса. Комсомолть рядонзон эса
кассть смелай и отважнай летчикт,
парашютистт, стрелокт, мотористт,
инженерхт, агрономт, учительхт,
колхозонь инь цебярь организа-
торхт и руководителхт.

Нят сембе достижениятне сатфт
сяс, мес комсомолсь работай вели-
кай коммунистическэй партият ру-
ководстванц ала, сяс мес комсо-
молть эрь шинь эрямасонза и ра-
ботасонза лезды сембонди кель-
гома Сталин ялгась.

Ленинскэй—Сталинскэй виде по-
литикат инкса, конань песта-пес
эрь шинь эряфонза и работасонза
йотафнесы комсомолсь, сембе со-
юзонь од ломатнень йоткса сон
занясь инь оцю авторитетт. Од ло-
матнень йоткса нинге сядя пях
касонды мяль грамс комсомолонь
членкс. Сяс комсомолть инголе
нинге сядя оцюста арси од ломат-
нень йоткса коммунистическэй вос-
питаниянь йотафнемась. Тя од ло-
матнень, конань мялец сувамс ком-
сомолу эряви фатямс сембе пядь-
день заботаса, эряви сонь анокламс
политическэй ширде, комсомолу при-
мамода инголе соньдеенза эрявихть
лацкас азонкшнемс комсомолть за-
дачанза и комсомолу примсеме ань-
цек нят од ломатнень, конат шарьх
кодсая комсомолть задачанзон.
конат шарьхкодсая политическэй
кизефкснень и лувондовихть инь
цебярь ударникос производстваса
и школаса.

ВЛКСМ-нь райкомтнень и пер-
вичнай комсомольскэй организа-
циятнень инголи арси инь оцю
задачахс ся, штоба производстваса,
колхозса сембе од ломатнень, ко-
натнень ули мяльсна арамс комсо-
молонь членкс пуроптомс эсь перь-
фканза и йотксост йотафнемс эрь
шинь воспитательнай работа.

Кода тя тевсь ладяф минь мор-
довиянь ВЛКСМ-нь организациян-
кенъ эса? Лама райком мянь тнярс
коданга аф шаркодсая, што од
ломатнень йоткса коммунистичес-
кай воспитаниянь йотафнемань
тевсь фке инь оцю задачац комсо-
молть.

Кадошкинань комсомолонь рай-
комса мекольдень ниле пале марх-

та коновь пинкть ашесть прима-
фявок ломань. Примасть 7
комсомолецт аньцек апрель ков-
ста.

Колима кожда лама райкомса ва-
ляндайхть 40-де лама од ломанень
энельдемат, штоба синь прималезь
комсомолу, но Кадошкинань райко-
монь „чиновникне“ мянь тачинь
шис нят энельдематнень кирьне-
саязь сукна ала.

Рыбкинань райкомса пц:ай кол-
ма кофт райкомонь папкатнень
потмоса кирьневихть 26 ломанень
комсомолу сувамат колга энель-
демат и райкомовещне „аф муйхть
время“ кочкамс нят энельдемат-
нень.

Няеви, што Кадошкинань и Рыб-
кинань райкомста ялгатне нетом,
што аф йотафнихть аф союзнай
од ломатнень йоткса кодамова
массовой работа, а нльня преступ-
найста ламонь ков атак кочкак
кирьнесаязь энельдематнень.

Аф сядя цебярь положеннясь
Дубенкань районца, коса июль,
август и сентябрь тачинь шити
примасть аньцек 4 комсомолецт. 23
энельдема ашихть Дубенкань рай-
комса, конатнень эзда ламось мак-
сфт март и апрель кафнень эзда,
а Ламатова велеста Шабаев
Яковсь комсомолу сувамат колга
энельдема макссь нингь октябрь
ковста 1934 кизоне и мянь тнярс
энельдемац атак кочкак.

Башка оцю мяль эряви шарфтомс
мокшень стирнятнень йоткса ра-
ботат шире. Мокшэрзянь стирь-
няти лияста нингь эряви лездомс,
штоба сон шарькоделезе колама
задат ашихть комсомолть инголе
и кода комсомолу сувамс. Однако
кой-кона минь комсомольскэй ра-
ботниконьке стирнятнень йот-
кса работат кадозь эсьотям моле-
мань кить лангс.

Тякожа Дубенкань районца, I-це
и II-це кварталнень эзда сембе
приматнень эзда стирняда аньцек
16 процент, конатнень эзда ниле-
цек поласна коренной националь-
ностьста.

Нят сембе фактатнень эзда няеви
што лама комсомольскэй работник
а васендакия райкомонь секре-
тархне нингь ашезь шаркодь
ВЛКСМ-нь ЦК-ть XI пленумонц
решениязон комсомолть работанц
одукт тиеманц колга.

Задачахс ащи тоса, штоба од
ломатнень комсомолу членкс ара-
маснон колга работат аф кадомс
молема эсьотям, а эрь шинь оцю
культурномассовой и политическэй
работань вятемаса комсомолу су-
вафнемс инь цебярь трудяй од
ломатнень.

Совнаркомт и ВКП(б)-нь ЦК-ть путфксон школатнень колга студентне и ученикне васьфтезь пара мяльса

Саранск. Мзырда лись Совнар-
комт и ВКП(б)-нь ЦК-ть путфкс-
сна учебнай работат организова-
даманц начальнай аф полной сред-
ней и средней школатнень эса
внутренняй распорядкат колга,
тя путфксть студентне и учени-
кне васьфтезь оцю восторг мархта.
Педтехникумса, Рабфакса I-це №

аф полной средней школаса и лия
школатнень эсовок ульть митингт
марстонь пуромксса кочксець тя
путфксть и саявь лангзост кон-
кретнай обязательстват, штоба
1935-36 тонафнема кизоня тонаф-
немс аньцек очень хорошо и хоро-
шо отметка мархта

Лимснор.

Мезе жа тиеньди райкомсь?

Кадошкинань ВЛКСМ-нь райко-
му сась одс кучьф секретарь.
Соньдиенза эрявь знакомдамс
райкомонь тевфень мархта.

— Мяргат тейть комсомольскэй
тефне эрявихть?—кизефнесы сек-
ретарьт вастса работайсь Обер-
ковсь.

Курукста Оберковсь од секре-
тарьт вятезе клубу сувама проход-
ной комнатати и няфтезе стенати
пондаф почтовой ящиконь коньдя-
ма шкафть, конац вестенга аф
пакснени.

— Вов тяс минь комсомольскэй
тевнекя—

Мезе можна мумос тя ящеконь
эзда? Пажалый комсомольскэй
личнай карточкада башка ко-
дамовок документ райкомста аф
муят. Бюронь заседаниянь прото-
колхне кучас валяфт и мезевок
эздодост аф шарьхкодят.

Тя безолабирщинагь мархта ка-
дошкинань райкомсь кода эряви
аф содасы мзыра сембоц комсомо-
лецта районца, сяс мес комсомо-
лецнень колга учет кивок аф вяти.

Сянь вастс, штоба машфтомс
„мертвай душатнень“, Кадошки-
наса синь эрь шине касыхть. Сек-
ретарьт полафтыенц Оберковть
лувмаса сентябрь ковть саманцы
районца улихть 26 од „мертвай ду-
шат“, но тевса тя лувксь касы
колмошкаксть, Ун. Мойдан велеса
лувондовихть кота комсомолецт,

а фактически нят сембе комсомо-
лецне кунаркиге тусть побочнай
заработкас и синь адреснон кив-
ок аф содасы. Нов, Пшенево ве-
леса 14 комсомолецт эзда кототь-
не тусть побочнай заработкас и
синь адреснон станежа кивок аф
содасы. Тяс няеви, што райкомсь
комсомолецненьди йофси ашезе
азонда, што комсомолецнень обя-
занностьсна тумост эряви вал-
гондомс учетста.

Нингь сядя кальдявста ладяф
тевсь комсомолу оду примаматъ
колга. Остаткада ульсь приматъ
7 комсомолецт аньцек апрель ков-
ста, а сядя меле фявок од ломан-
нень энельдема (заявление)
ашесть кочксе. Тачинь шис рай-
комса 40-да лама од ломанень
энельдема валяндахть атак кочкак.

Кода оформендакшневихть лич-
най тефне комсомолу приматъ ял-
гатынень лангс?

Райкомса аф содасаязь, мзыра
комсомолецонь аш комсомольскэй
билетсна. Тя кизоня совхознай
комсомольскэй организацияса лама
од ломань ульсь приматъ комсо-
молу и кемокстафт райкомонь бю-
роса, но мзыра ломань кемокстаф,
кит нят ломатне, райкомса аф со-
дасаязь, сяс мес райкомонь бюронь
заседаниянь протоколхне юмафт.

ВЛКСМ-нь обкомти эряви инь
сцю мяль шарфтомс кадошкинань
комсомолонь райкомть шири.

С. Л.

Комсорг ули, а работа аш

РУЗАЕВКА. Перхляй велеса ули
первичнай комсомольскэй органи-
зация, коса кодамовок внутрисоюз-
най и культмассовой работа аф
вятеви. кода аф союзнай од ломат-
нень йоткса, станя и комсомолец-
нень йотксовок. Политзанятият
мзырдонга аф эрьсихть. Улихть ста-
ма „комсомолецт“, конат колмонь

киза аф паннихть членскэй взност.
Комсоргсь Симанковсь нльня аф
содасы мзыра организацияса ком-
сомолецта.

ВЛКСМ-нь райкомсь кодамовок
лезкс изь макссе и наверна аф и
содасы, што Перхляйса ули комсо-
мольскэй организация.

Кие жа максы тейнек лезкс?

КОМСОМОЛЕЦ.

Аноклатама писателень пленумти

Октябрь ковть 15-це шинц эзда
Мокшэрзянь республикаса ули йо-
таффт писателень пленум, конань
эса мокшэрзянь писателхне рабо-
чай, колхознай и сембе трудяй мас-
сатнень инголе тиихть отчет—няфть-
саязь эсь творческэй шамаснон.
Азсаязь, кода синь йотафнесаязь
эряф: партият и правительстватъ
ширьде лангзост путф задачат-
нень. Тя пленумть эса писателхне
няфтьсаязь эсь сатфксон мокшэр-
зянь литературнай строительстваса
и большевистскэй самокритикатъ
вельде лихтсаязь лангти сембе эсь
афсатыксон, и ся афсатыкснень,
конат сидеста шорьсихть синь про-
дуктивнай работасонды.

Тяни киге эряви азомс, што мек-
пальдень пингть работай, колхознай
и тонафни од ломатнень вельф оцю
мяльсна работамс тя вельф почет-
най тевса—литературнай фронтса,
но МАССР-нь писателень правлени-
ятъ ширьде од ломатнень лангс
мяльда шарфнени вельф кржа.
Ушедсь тонафнемань од кизось,
но нинге фявок школаса и учеб-

най заведенийса атак организо-
вандак литературнай кружок и ко-
нац кармальба работамс.

Пленумть панжемани пингс нин-
ге сатомшка лангта, штоба виел-
гофтомс пленумти анокламань ра-
ботась. Анокламань работаса ва-
сенгце пунктос должетт улемс:

1. Куруконя организовадамс Са-
ранск ошень предприятиянень и
учебнай заведенийтнень эса лите-
ратурнай кружокт и ушедомсэсост
работась писателень всесоюзнай
правленияста получаф программатъ
коряс. А станя жа организовадамс
од кружокт и кемокстамс йотай
кизонь кружокнень районнай цент-
рава и крупной колхозга.

2. Мокшень и эрянь эрь район-
най центрава и крупной колхозга
йотафтомс читательскэй конферен-
цият, конатнень эса лувондомс
мокшэрзянь писателхнень башка
произведениясон, штоба пленумса
няфтемс эрь писателть шамац тру-
дай кели массатнень критикаснон
коряс.

Перепелкин.

АВАНЬ ОД ЛОМАНЕНЬ С'ЕЗДТ

Комсомолонь Центральной Комитетсь примась решение сентябрь—октябрь кофнень пинкста национальной республикатнень эзга авань одломанень с'ездонь пуропнемать колга.

С'ездтнень шинь повесткасост кармайкть улема — национальной республикань комсомолонь ЦК тнень али обкомтнень и правительстватнень докладсна авань одломаттнень йоткса работать состоянияц и сонь цебарьгофтомасонза мератнень колга.

С'ездтне улихть йотаффт кем-котуа республикава и автономной областева: Узбекистанца, Туркменистанца, Таджикистанца, Казакстанца, Киргизияса, Азербейджанца, Аджаристанца, Башкирияса, Татарияса, Калмыкияса, Дагестанца, Кабардино-Балкарияса, Северной Осетияса, Черкесияса, Карачайса и Чечено-Ингушетияса.

Пяк оцю полаффткст тиевсть Советской властть пинкста националка-аватнень положенияса. Шобдакс и правафтомкс, забитайста, мирьденц ширьде истязаниянь и издевательствань няендезь, ломаттнень няемада паранджаса и чад-раса кяшендезь, сон уленц гаремонь рабынякс. Тани националка авась арась свободной труженицакс. Сон тии од эряф, кась политически и культурно, участвует государствать ланкса управленияса. Варжакстода национальной республикань фабрикатненьди и заводтненьди. Станокнень ваксса—националка ават, сембеда ламось од ават и стирьхть. Кепотьксоньди Азербейджанонь промышленностьса рабочайхнень эзда 29,6 процентсь ават коренной национальности, Туркменистанца 20,5 процентт, Узбекистанца 30,5 процентт, Калмыкияса 31 процент, Татарияса 37,2 процентт.

Инголи тяфтама народтнень йоткса, кода казакне, узбекне, туркментне и лиятне, тьожань авань одломаттнень эзда аф вете ломань-да лама ульсь сьормас содайда и нят ломаттне уленц аныцек баень и муллань стирьхть. Тани лама национальной республикат арась сплошной грамотностьнень республикакс. Национальной республикань авань одломаттне пашкочнесазь ВУЗ онь и техникумонь аудиториятнень.

Национальной республикава авань одломаттнень культурнай уровеньна пях оюстакась. Нат сатфксне арайхть нингя сядонга валцта, кда сязомс мялсь, што капитализмань тяфтама передовой стрваса кода Англиясь, эрь 1000 авань одломаттнень йоткста ввысшай школаса тонафнихть аныцек 6 ломатт. Но кит синь? Нат лись фть аристократиянь и буржуазиянь семьяста. Ламоц синь эздост тонафнихть аныцек сян инкса, штоба кирьдемс „оцю сатфкст оцю светса“. Студенткатнень колма нилецекс пяхкссна кочьксесазь эстетс-специальностекс—искуствать. Минь цюнок жа тонафнихть аныцек трудяйхне, и тонафнихть сян инкса, штоба усцешнайяста и лацкасработамс государственной эряфть сембе областензон эса, тюремс социализмать инкса. Тянкас аф удивительна, што тани аф шуроста можна васьфтемс од националка, конац работай инженеркс, агрономкс, врачекс, педагогкс, артистокс и нльне ученайкс. Кепотьксонди, эрь 100 ломань инженерно—технической узбек—работникнень йоткса—10 ават, татархнень—26 ават, башкирхнень—19, осетинтнень—13 ава.

Валда, радостнай ки будущайти маньчф национальной авань одломаттнень инголе. Воодушевленной строительства пафость мархта и

Т. ВАСИЛЬЕВА
ВЛКСМ-нь ЦК-ть секретарец

творчествань радосттнень мархта, советской одломаттне, конатнень ланкса вяти руководства минь славной Ленинский партиянеке и великай вождсь и учительсь Сталин ялгась, поражаандакшнесазь мирть эсь геройстваснон, мужествоснон и отвагаснон мархта.

Но эряви азомс, што национальной авань одломаттнень йоткса культурно-политической касомань темпне молихть нингя пях валом. И тьян мархта мирендамс аш кода. Миньдейнек ашкода йотамс нльне единичнай фактнень ваксса коса лифневихть феодально-родовой пережиткат, традицият, обычаихть, конатнень инкса кемоста кирьдихть кяшф разгромленной классовой вракнень лядыкссна.

Йотаффт обследованятнень и материалхнень эзда, конат сашендыхть ВЛКСМ-нь ЦК-а, няеви, што национальной республикань и областень комсомольской организации пока кальдявста йотафнесазь авань одломаттнень йоткса работать. Тя васендакигя няфневи сян мархта, што афсатомшкаста моли комсомолть рядонзон касомасна националка—стирнятнень эзда. Тяфта, комсомолецнень йоткса примерна 6,6 процентт стирнят: таджикнень йоткса—9,9 процентт, чеченецнень—2,1 процентт, ингушнень—2,4 процентт. Пях ужаль ся, што нят цифратне башка организациява кирьфневихть. Чечняса, кода кепотькс мекольден кизоть эзда комсомолка стирнянь лувксс кирьсь 941 ломань, Дагестанца—370 ломань.

Вишкнопмок работать национальной республикава авань одломаттнень политической воспитанияснон колга, пуропнемок теенза специальной кружокт и школат, тейнек эряви башка вийса тюремс сембе родовой и лия пережиткатнень каршес, конат враждебнайхть советской порядокненьди.

Пях ужаль, што нльне национальной республикава комсомолонь активисттнень йотксонга эряйхть стама ломатт, конат пуромксса корхнихть партият и комсомолть линияци инкса, а тевса синьц калафнесазь советской законодательствать. Вага кеподьксонди, Самаркандса паньтф комсомолста комсомолонь городской комитетть ингольден секретарец, кона эсь бытсонз йотафнезень сире религиознай обрядтнень. Партияса и комсомолса аш васта сятенди, кие издевандакшни стирнятнень ланкса. Эряви йотафтомс оцю раз „яснительнай работа, штоба стирнясь, мзярда сонь обычаезь, содальхце, коза теенза эряви обрацандамс. Минь комитетонень аш кодамовок правасна сянди, штоба кадондомс кодамовок последствияфтома авать личной эряфонц ланкса надручательствань фкавок факт.

Миньдеенек сатовихть сатфкст эсь работасонок аныцек эста, кда пуропттама активонь оцю круг синьцень националка стирнятнень эзда. Тяфтама ломаттне ни касыхть общественной, руководящей работаса. Кагановичской комсомолонь райкомса (Узбекистанца) работай узбекка Алиевась. Сон аф кальдявста тиеньцы эсь тевонц. Тоса жа Калининть лемса сембеда оцю колхозса председателськ работай Кадыева комсомолкась. Кабардино-Балкарияса улихть комсомолкат—райисполкомонь председателхть. Но тяфтама активдонк минь нингече пях кржа. Комсомолть задаче—пуроптомс авань одломаттнень эзда тяфтама актив, сяда смелста

путнемс стирнятнень общественнай постс, лездомс теест работаса.

Массовой культурнай работась, досугть пуроптомац, сембедонга пях аулхнень, кишлакнень эзга, миньдейнек фкя инь важнай задача. Лама национальной областева одломаттне нингя сидеста аф маштыхть культурнайста эсь досугснон йотафнема. Чеченской одломанень вечеринкатнень эзга стирнятне и цюратне илядень перьф налхксихть „моргалкаса“: взрослай ломаттне ащекшнихть озада несколько част и фкя фкянь каршес сельмот чпорайхть. Ингушской одломатнень вечеринкатнень эзга стирнятне илядень перьф ащекшнихть сяда, а цюратне озада. Тяфтама формаса йотафневи „весельясь“ тоса, коса комсомолсь аф работай. Ништа аш минь странасонк веселай морот, интереснай играт, культурнай развлечаният? Ништа минь национальной мороньке, танцанеке аф красивайхть, аф музыкальнайхть?

Эряви тиесм стане, штоба одломаттне кармалхть кельгомонза фкякай лаца спорттнень. Саты няфтемс кепотькс Кабардино-Балкарияста, коса стирнятне успешнайста тоначесазь парашутизмать, эряви сяда энергичнайста сувафнемс культурат эряфозонк. Эряма васттнень чистайста кирьдемаснон инкса тюремась, пейхнень мельгя якамась, телачень ланкса гигиенань кирьдемась—ня кизефкснень сембедонга пях сашендовихть путнемс сяс, мес национальной республикань лама народт ламода лядсть тя тевса исторической начинатнень сюнода.

Авань национальной одломанень с'ездтнень анокламаснон и йотафтомаснон эса эряви тяфта жа работамс партийнай и советской организациитненьдингя. Синь лездснон и руководстваснон эзда ащи сембе тя работать цебарьста йотафтомац.

В частности Советской организациитне, конатнень докладсна путневихть национальной авань одломанень с'ездтнень эса, должетт тяникигя комсомолть лездоманц вельде варжамс вастонь организациятнень Наркомпроснень, Наркомздравнень, прокуратуратнень и судтнень работаснон, конашко-ва правильнайста синь лездыхть авань одломаттнень воспитанияснон и обслуживанияснон пуроптманцты.

Комсомолсь обязан сатомс определенной практической результатт национальной авань одломаттнень работасост, штоба сай ВЛКСМ нь X де с'ездть улель полной правац азомс минь партиянеконди, минь вожденеконди и учительнеконди Сталин ялгати, што синь ширьдест максф указаният ленинизмань духса од поколеният, воспитандаманц колга комсомолсь сатфис мархта йотафнесы эряфс.

Мес аф эрсихть политзанятият

Саранок. Медтехникумонь комсомольской организацияса лувондови 50 комсомолец. Но аф ваномок тьян лангс, што лама комсомолецт, тя комсомольской организацияса кодамовок работа аф вяти. Тонафнемась, кода ушоц ни 10 шит, но тя пингс ашель фкявок политзанятия. Тя пингс изезь ванонда ВЛКСМ нь ЦК-ть XI пленумонц решениянзон, а стая и кальдявста ащи тевсь членская взносонь пандомать мархтонга.

ВЛКСМ-нь горкомти эряви шарфтомс.

МИПАЛОВ.

Лига нациянь пленумть панжемац

Женева, сентябрь 9-це шистонза (ТАСС). Тячи Лига нациянь Советть текущей сессиянь председателть — аргентинской делегатть Рюиз Гиназуть корхтаманц мархта панжевсь Лигать 16-це очередной пленумоц.

Миронкса тюремаса Лигать деятельностисонза кой-кодама положительнай результатонь (южной Америкаса войнать лоткафтомац, югославско—венгерской конфликт разрешенаяц и лият) азомда меле, орасторсь азозе, што международнай эряфть молемац мекпальден кизоть ульсь йофси аф прокс благоприятнай Лигати.

„Великай странась кадозе Лигать,—мярьгсь Гиназу—Разоружениянь тевсь лоткась. Йотай тундасть Лигань Советсь, должен ульсь лятфтамс, што договорнай обязательстватнень неуклоннайста ваномасна ащи основной правилас международной эряфса. И тьяниень пингть Лигань Советсь заняф кяжи конфликтонь кочкесмаса“.

Германиять, Япониять и Италиять лангс ня шарьккодеви указания меле Рюиз Гиназусь мярьгсь:

„Мирсь фатяф аф спокойнай шиса...Тя аф спокойнай шись, кона няфнесы пранц станяжа довоору, жителяй мероприятийань системаса, таргси народтнень велккс вельф стака экономической кризись“.

Мекпали Рюиз Гиназусь мярьгсь: „Апак ватт сембе стакатнень лангс, нациянь Лигась йотафнесыне эряфс эсь стака задаланзон. Сон эряй 15-е кизода лама. Тя нюрхкяня пингть йотамс сон няфтезе, што мирсь неделимай“.

49 вайгяльса пленумти председателськ кочкаф Чехословакиянь иностранный тевонь министрсь Бенеш. Сонь Кочкамац ульсь васьфтьф аплодисментса лама делегациянь ширьде. Тьяда башка, Лигань пленумсь шовповань заседаниясонза назначендась кодама повсь комиссият.

Советской Союзть эзда пленумса делегациять вов кодама составоц делегаттне—нарком—инделсь М.М. Литвинов ялгась, Парижса полпредсь В.П. Потемкин ялгась, Римса полпредсь Б.Е. Штейн ялгась и делегатонь заместительсь Стогольмаса полпредсь А.М. Коллонтай ялгась. Штейн ялгась кочкаф комиссиянь членокс, кона тиеньди пленумти щинь порядка.

Итапо-Абиссинской конфликтсь

Италиянь рабочаихне аф йорайхть война

Иностранай печатсь итапо-абиссинской конфликтть тачимс обсуждандасы.

Английской газетась „Морнингпост“ пачфни кулят, што итальянской власттьне пологандайхть, што враждебнай действиятне Италиять и Абиссиниять йоткса ушедыхть тя ковьт.

Оцю английской газетась „Манчестер Гардиан“, сьормады итальянецнень войнати отношенияснон колга, няфнесы, што хотя сяда ламось лувонцазь войнать неизбежнайньди, но ся не значит, што сонь приветствовандасы. Рабочайхне и бшка ся поколениясь, конат йотафть война, синь сяда ингольцекс настроеннайхть вайнать каршес. „Венециять и Генуять тьянянь улыява и Неаполень трушебава, сьормады газетась,—стейатне вельхтяфт антивоеннай надписса“.

ТАСС.

Пингсь 6 частт. ВЛКСМ-нь райкомонь секретарть полафтыец Ивашкинць варжакстсь ладонь азондо-ма слискать лангс, коса тяштф 18 комсомолецонь фамилия и кор атай: видна аф пуромихть.

Районнай централнь марстонь комсомольской пуромкс ульсь назначандаф 6 часца. Пингсь—ни семце част, но пуромксу састь 4 комсомолецт.

И аныцек мзярда частонь стрелкась йотась сисемда вельф, пуромксти састь 11 комсомолецт.

— Ули предложение пуромкст паньжемс,— Ивашкинць корхтай комсомолецненьди.

— Конешна паньжемс, сяда лама афисакхь—лама вайгальса отведчасть комсомолецне

Кочкасть президиум. Шинь повесткаса ащи фкя кизефкс—международнай юношеской шить колга Чемоданов ялгать докладонц кочксьмац. Докладчикти максф 30 минута.

Докладчиксь корхтась аф 20 минутада лама, президиумти ушодсть сама сьормонят, штоба куро-коне шумордам докладть. Мокшть песа комсомолецне Кузичкинць и Романовсь налхикхть шашкаса.

Шуморсь докладсь.

— Кия сяви вал?—Кизефни комсомолецнень председателсь.

Вал сясь Циликинась:

— Сада—куроконе пуромкст аделасакхь ато кудса кой-кинь жулатанза эрвихть урядамс.—

Циликинать предложениан кирьдезь ниньге кафта комсомолкат.

— Ну кие ина кармай корхтама?

Кемоньчка минутада меле сембода инголе ушедсь корхтама соннь секретарть полафтыец Ивашкинць. Пяля частонь кувалмонь корхтамасонза, сон азондозе кода ВЛКСМ-нь ЦК-сь XI пленумть решенианзон коряс одукс тиезе эсь аппаратонц, кодама требованиант вешеньди ЦК-сь эсь решенианзон эса комсомольской рабботать колга областной и районнай комсомольской организациять нень эзда. Тяка пингоне Ивашкинць пяк кржа корхтась сянь колга, кода Рыбкинань районца йотафневи комсомольской рабботать одукс тиемац, кода комсомолецнень йоткса ладьсеви политто-нафнемась и ст. тов.

— Тага кие кармай „преть“—кизефнесь председателсь.

Лама минута ки вокаф сяви вал.

Председателсь:—макстама вал Циликинати.

Циликинась: Монь мялезе куро-коне аделамс пуромкст.

Пуромксу суvasь комсомолецсь Конюшовсь.

Председателсь: „Эсь“ пингоне саты!

Конюшевсь ушедсь азондома, што сон пуромкст колга мезевок ашезь сода.

— Но кие ина кармай араторон-лама, Кузичкинць али Романовсь?

— Миньдеенек аш мезень колга корхтамс.

Вал сясь Степанова ялгась.—

Минь районнай комсомолецне мянь тнярс атак пуропт. Политто-нафнема мархтонок кивок аф вати, а кда сывомс идь мархта комсомолкатнень, то райкомсь синь йофси аф лядфнесыне. Мон азса эсь колган. Кда тунь декретнай отпущк, то кивок ширезон ашезь варчсь. Сяс мон 2—3 ков ашенъ панне членской взност. А вов тни сась сьоксесь, минь учтама политто-нафнема, а минь кивок аф пуропнесамаз. Монь предложениан зе тьяфтам: вандыкиге ушедомс политто-нафнемать и сяда сиденъ статиендемс марстонь пуромкст.—

Корхтама ушодсь райкомонь те-вонь вятись Фоминць. Сон азон-дозе, што райкомса ниньге каль-дывста ладяф комсомольской лич-най те-вонь оформендакшнемась.

Пинксь ульсь пцтай вехкса частт. Райкомса ульсь йофси шов-да. Эзявсь кровястемс лампа, но райкомса лампа и керосин аш.

Председателсь:—Ну ялгат кли шовда, то сада куро-коне адела-сакхь.—

Сяда лама кивок корхнема ашезь карма. Комсомолецне максикхть предложениант.

— Вандыкиге райцентраса ушо-домс политто-нафнемать.

— Регулярнайста пуропнемс мар-стонь райцентрань комсомольской пуромкст, коса тиендемс полити-ческой темаса докладт.

Тяконь мархта сьолговсь пуро-мксь.

Рыбкинань райцентрань комсо-молецнень ули оцю мяльсна тонаф-немс, оцю мяльсна йотафнемс ин-тераснай кизефкс мавхта марстонь пуромкст, но райкомсь мянь тнярс райактивть мархта кодамовок ра-бота аф вати.

Рыбкинань райкомовецне мянь тнярс комсомолть работанц одукс тиемац колга корхникхть аныцек мази валса, лихникхть мази резо-люцият, но те-вса сидеста аще-кшникхть райкомонь кабинетса.

Рыбкина

С. Ларионов

Наругайхть идтьнень лангса

Шайгова. Кулдим велеса „Дири-жабль“ колхозса улихть идень эссят, коса аш кодамовок чистота и порядок. Заведующайкс работай Крымовась, конац яслятнень лангс кодамовок мяль аф шарфни. Кизонь перьф яслянь кудсь вестька атак штат.

Ярцама пяльсь пяк кальдяв, андыхть аныцек модамарьямда. Кда

сuvat яслянь кудть потмос, то тоса аф ащеват, сяс мес пяк шине. Идтьнеушу лотксихть тозк и кивок аф урядасыне.

Колхозонь правлениати эрви сяда куро-к варжакстомс идень яслятнень шири и муворхнень мар-хта примамс мерат.

Низиян.

МАССР-нь ЦИК-ть президиумса

ЦИК-сь путозе, што Саранскойса и республикань районнай центра-ла (Лямбирской райононь центрада башка) сембе государственнай, ко-оперативнай и общественной уч-реждениятнень и организациятнень штампсна и печатсьна улест тийфт мокшень райоттнень эса-мокшень и рузонь кяльса, эрзянетнень эса—эрзянь и рузонь. Лямбирской районнай централа — татаронь и

рузонь кяльса, сембе ляды велет-нень эса мокшэрзянь республика-са штамптне и печаттне анокла-вхьт: мокшень велетьнень эса — мокшень и рузонь кяльса, эрзя-нетнень эса—эрзянь и рузонь кяль-са, татаронь велетьнень — татаронь и рузонь кяльса, и рузонь велет-нень эса—анцек рузонь кяльса.

(Морд ТАСС)

ЭРЯФТЬ ИНКСА

(Пец. Ушеджсоц 90-95 № хнень эса)

Валгсь ляйпряти

Прамс шаракодсть йоненза,

Шамац сәнемсь,—

Прокс винаса палыень...

— Ух!

Аф цебарьхть

Ленань азонтф „ононза“—

Уфкстась Сема

Азомс аф муй вал-лия.

Пеккедь лангса

Симзма шаштсь ляйняти;

Ляйнясь шуди—

Шаняфтф кивикс—лаказыня.

Симсь-тись, озась—

Тьожда арась ваймоти

— Кие тьяста,—

Пшкядсь—леньгять ватказе?

Ваймясь сьома,

Ушептсь леньгянь ваткама,

Ленкаты инкса

Танга сярядкстсь седиец.

—Васянь ловть прамс

Кода-кода ваттама,

Понжам кайти

Йордса Ленкаты „Педлиенц“.

И кровястась

Перьфонц нуднек-капанек,

Катк урады

Марнек семьяч вачеда,

Штоба рязост—

Жуватанек—Катонек;

Аф синьдеест

Ськамост ярхцсемс пачада...

Лядыкс леньгять

Сьома комась керома,

Нармоннясь

Сянь пряса ши-шишка цифняй...

Сяс-мес куй

Сонь альянзон уйфтсь сивома—

Валголь-валголь,

Куйсь вьшки—Лийкстай.

Нармонтть лангса

Нльня ляттець аварьдемс,

Кажда—Куйть шечк

Локшенц мархта сязезе,

— Васеньпингть хоть

Тя сволочть лангс кяжь ардмс,

Кона тьяфтак

Нармонтть кизонц сивоза.

Охай, эряф,

Тейнек афи кандоват,

Кит кинь сяськихть,

Сякоти синь лангс люпштайхть.

Покодть куломс

Пека лац аф андоват;

Козянь утомс—

Лама сьорот стак куштайхть.

Коса шкайсь-жа?

Мес воля макссь зверьхеньди?

Мес аф няйсы

Ломань верьда ярхцаматы?.

Ухай аш сон—

Аф верондан грехненьди,

Кда эсонк

Тяка светста адс—марайхть.

Шкайсь—Грехса

Аныцек вихша покафтыхть,

Сяконь марят:

—Шкайсь тонь парцень кафксть панцы.

Аф, аф виде—

Шкаень валхне васькафникхть,

Тоньць аф ванфцак—

Шкайсь тонь пряцень аф ванцы.

Пиди палакс

Пишевсь марьгат седизе,

Телась тарьди

Крень сок-ведьса ваденьфокс.

Тундань понжамкс

Арни санган верозе,

Йолмаксиге

Касонь сязентьф—нозонтфокс-

Шкайти олькесезь

Тя стакась аф кацамазь,

Сельмя ведьса—

Ризфсь—горясь аф шудеви

Сочор ницайкс

Шобдазсь ков кельк вяцамазь...

И мзярпа—

Тя „Шобда весь“ удови?..

Корхтам шовор

Видеста сон Кошти лиссь,

А Ленуша

Од умбравонь суп пиди.

— Ну эрь сак-ни

Тонь лытамоzt супськя пискь,

Сяда куро-к

Озак—пилкнень юксеньдиль...

Марнек вирьсь

Исякть сюнеда горяса,

Пиче прятне

Эрғада машть— веляфнефт.

Нармоннятне

Вирьть аф гайфтихть мороса—

Сяс, мес синьга

Пизонясна калафнефт.

Ну, а поють

Йофсикс сонь аш ваймамац

Фкя шишка хоть

Тейнек тяти „кардама“,

Али кельксы

Вирьса шуфтонь дразняманц,—

Мяль аф мольфти

Маштыкс урмакс тарнамась.

Няйсы мельник

Седиец логкс лоньтяди,

Пою лопакс

Сон трванзон лапнафты:

—„Вишкоть варма!“

Яжафган почфг тройцаньди

— Лама мельникт

Сюдф поюсь васькафты.

А минь гоньдямс

Тройцявок сай—абонды,

Сембонь ашта

Седись лафча—аварьди.

Ломань стряпшафс

Сельгонь нилезь ванонды—

Кода кавалсь

Нарвайть вельхкса шаронды.

Ленань мархта

Сьома кошса ваймосихть

Сякось морсна—

Каж лангс.

Каж пандомс

—Ломань вярда

Потязь

Таргозсь

Лаймонь сикс!

Вяца омоц,—

Аныцек повомс пандозти.

Хоть и стака

Тя те-всь, ти-емс эрви

И тисан мон,

Кивок афи фатяйга

Аныцек эста

Тя сволочть киц перяви.—

Тякось пинесь—

Аляц миша атяга.

Идсьна йомблат.

Аф сяда оцюфт тепецта,

А дригарьсь

Мяльснон шавос ванцыня.

Хоть мзярда

Серень толса кепоцаськ,

Идсьна кармайхть

Минь лацонек анцемя.

Мезь аф няемс

Тундань стакась кандома,

А сай кизоть

Эряфсь ниньга инголя.

Ськамот саты

Мезе сяфтам ваномда,

Туян страна-в

Мзярс тазат пильгоня..

Апак пьчатлак заметкатынень коряс

Торбеюнь райОНО-нь инструк-торсь Сурайкинць сьормадкшнесь, што ВЛКСМ-нь обкомть пионер отделонц инструктороц Дьяковсь Торбеюнь комсомолонь райкомса райактивть мархта совещаниянь йотафтомста нолясь лама грубостта.

Тя заметкаты каршес ВЛКСМ-нь обкомонь пионер отделсь отведчась, што Дьяковсь лама грубай обра-щениянкса инструкторонь работа-ста валхтф и валхтф комсомолста..

Редакциясь

ЭРЯФСА ЭРЯФ

ВАСЕНЫЦЕ ПЯЛЬКССЬ

И. КИ КУВАЛМА

Август ковть мекпальдены шинзон эзда Назар Максимовичь мархта срухкаме Москуста Саранскай.

— Саты, племяш,—корхтай тейне Назар Максимовичь,—арнемя вазнянь усксемя вагонца, тачи рамань билетт ляпе вагонц!..

Купэньке ульсь кафта ломаненьди. А сяс, аныцек токазе вастонц поездсь, Назар Максимовичь пшкядьсь:

— Племяш, панчка чемодантты! Чемодандонк минь кафтоль: фкять эса ульсь ярхцама-пяленьке, а омбоцесь эса патефоненьке. Мон кизефтинь!

— Конац панжемс? — Э-э, але-мор, тонафнеть тонафнеть и сяньге ты пингс ашить тонад, конацингели эряви панжемс. Тейньграм, тон нинге квартира кармосеть бзнама, што пекце, вачсь!..

Сускоме, кода и эрявсь. Ярхцама меле Назар Максимовичь кармась тейнь политграмотань лувом:

— Вага няйса, племяш, кшннень килангонь „начальствась“ сатомш-каста аф машты нинге стане работама, штоба тиемс культурнайста грдума пассажирхнерьди. Мес-ба тачи вагону аф йотафтомс радио? Максоть, мярьгтяма, цалковай, повфталеть наушник и кулхцонкшнх СССР-ть!.. Мес ба аф кирьдемс, мярьгтяма, эрь купэса шашкат али шахматт? Тон ватт. суват вагону, кода шайтанонь унд! Ярхцак и удок... Д' толоньковок, кода шее-ронь сельме цифторды, ох ламос афоль строяв ба социализмась, кда минь вагонцонк электричествать лаца улель ба сембе электрификациясь: шить палы, а веть улы... шить электричествась а веть—штатолне...

— Васендакиге, аф эряви юкс-немс, Максим Назарыч, пшкядень мон,—што кшннень кись социалистической хозяйствасонк коданга аф кенерькшни темпонекемельге, ты дулоса ускови отрасль. Омбоцесь, мяляфк, што аф сембе китнень лангса тяфтама калдывста ащи тевсь, кода ты кить лангса!..

— Мон сян и йорань азомда!—питай кяжьяфтсь лангзон, тон нярьшень тонгить пингта ингели! Мон йорань азомдонза, што калдывста тевсь ладяф Московско-Казанскай кить лангса. А вов тядде мон якань Магнитогорскай, тоза модемс кись, брат, совсем иля! Ваготтнень эса ули радио, улихть „ваготт-ресторатт“... Ся кить лангса пассажирти ули кода культурнайста йотафтомс пингоц.

— О. Назар Максимович, Москуста-Ленинграду кись нинге сядя пара:—пшкядень сонь политграмотанц каршес.—Тяк юксне, што „Москуть строязь тожа аф сразу“... Сяда башка, тейнек, мархтотт яф эряви лажнедемс, дай кулхцондсайнек тачиень рамаф пластинканьконь, вов и культурнайста йотафтсась пингты!

— Патефонць кармась морама эрзянь—мор „Вирь чиреса“.

— Тя Юшевьш толи ташкава пшкюдось?

— Сон

Эрзянь пластинкада меле Назар Максимовичь анась сядя веселя пластинкане. Мон путонь вальс.

— Пара в'дь, племяш, эрфоньке! Вов тон улеть ашувонь цюра, ванондоть стадат и...

— Тя уш сире,—ашиня кад сонь сядя тов корхтама,—ватта, в'дь Раменскай нежедькшнетяма! Монь таси ялгазе работай, арька листья,

тюрфтинь Назар Максимовичь.

Лоткафтоськ патефоненьконь и лисема тамбурть лангс. Вось шовда-шовда. Пяльхкаса оргалдтядязь сельмоти и аф содасак кие. Поездсь лоткась. Лямбе вагонда меле тамбурть лангса панжав кавозькс а ш к о д о м а з ь вень кельме кажфсь. Ушеса моли ви пизем. Назар Максимовичь пелезевсь кельме кожфта и йорась ни мрдмада вагону:

— Пяльге аф няят! Аде меки!..

Мон кизефтенъ кядьстонза сардонь и сон илядсь мархтон. Папирос-казень кривастемя йоткова кулемя кяжиста кройма:

— Лиссть, сволочь, ато-о!..

Проводниксь кяржи кядьсонза кирьдсь фонарь, а види кяденц мархта кинь б'ди пильгте таргась „пинень ящикста“, кучькорьдесе пярмоти, и нинге сядонга кяжиста кроязевсь.

Марявсь идень оржа вайгяль:

— Ой-й!.. Галюка!..

Ашезь йота и вете секундатка проводникть кядьса фонарьсь срафтф и мезьса б'ди кемоста пята-дсть вагононь вальмя йоткти.

— Пряти мяказе,—моторгодсь Назар Максимовичь.

Кшннень алашаньке стакаста куф-кстсь и токазе вастонц. Минь Назар Максимовичь мархта саяка ж нотать коряс стакаста таргайнек ваймоньконь и суваме вагону.

— Империалистической войнась... 1921-це кизось... ты наследствать калозь... Эх, войнат-войнат!..

— Да, Назар Максимович, ашезь кирьде моньге селиезе,—но в'дь пиксеемс синь аф яривихть... Синь эздост тожа могут лисемс и инжинерхт, и писателхть!..

— Тя философия, племяш. Болтандама тон маштат... Дай, лучи маттама,

Сргоземя Ковылкина станцияса. Вальмять пачк марявихть веселя юваткшнемат:

— Киньди цебярь марьхты?..

— Агурцы, агурцы!..

— Малоко, молоко!.. Парной ма-локо!..

— Памидоранят, памидоранят, эй, памидоры!..

— Племяш, арта фатяка цебярь марьянт! Тяс в'дь Раднойнат, марьясать, вайгельнятне кодапт? Миньценнет!..

— Вайгельнетне пархт, Назар Максимович, аныцек тонь эздот уфай националистонь шинья!—и ласькозь тунь станцияв.

Меки вагону мрдмстон мон при-метайне, што кие-бли нурхтадсь вагоненьконь алдонь „пинень ящи-кти“. Нежеден малав и варжак-стонь вагон алдонь „купэти“ а тоса шаронды харекшка ломанья.

— Ардат, браток?—пшкядень.

— Дай таргам! Ки-кувалмонь перьф ашень тарга,—кармась „потма-пара валса“ мархтон корх-тама харекшка ломаньясь.

Максонь папироска и кизефтинь:

— Ичкози кидень кирьдсьак?

— Спасибо, озак, ато поездсь срухкась ни мон в'дь аф илядан,—отвещая тейнь.

Да, поездсь срухкась... Сон в'дь афилады... Назар Максимовичи ашень аст фкявок вал, што алнок ули тожа „купэ“ и арды эсонза то-жа эрф... Мадонь ляпе вастозень лангс и Рузаевкав модемс тиень удикс,—арды ялгазень мархта тиф-тень валга ашемь полафта.

Мон ашень уда. Монь прясон нилень крда кенерьсть шаромс Кро-гуис профессорть экспериментонза. Лядьсть мялезон фкя докладстонза валхне: Тевса, аныцек тевса нолда-

вихть тевс эрфть эзда сязьф идь-тне... Валхне пархт и ащихть эсь вастсост. Но штоба нолдамс тевс „эрфть эзда сязьф“ идьтнень, те-ест васендакиге эряви нежедемс, эряви ушедомс мархтост корхтама... И вов мекпальцет колга монизень кулхть киньге корхтаманц и изень луфт киньге сьормадфонц... А сем-беда стакась именна тоса, штоба нежедемс беспризорнайть малас и ушедомс мархтонза корхтамась. А корхтамс сонь мархтонза эряви ста-не, штоба сон хоть афламняда ва-сендакиге кармаль кемоматонь корхтамацти. Мон шарьхкодень, што тяс эряви улемс аф аныцек педагогкс—педологкс, тяс эр-яви улемс эстийть „беспризорнайкс“. Эряви ладняс содамс беспризор-найхненъ кяльснон. синь „сяряди вастснон“, синь эрфснон потмонц... Эряви содамс синь спецификаснон, синь психологияснон. Тянь сембень апак содак и луфт синь малазост аф нежедеват. Эряви содамс, мзяр-да эряви беспризорнайть лангс кяжьяфтомс, а кой-коста тиемс аф-ламняда „сонь лацонза“... Аф шу-роста зряй станянга, што беспри-зорнайсь каяй перьфканза шарыть пилес... Тясонга эряви лувомс: мак-сомс кирьдемшка „сдаче“ или пе-ень сускозь, но низелгодомс кар-шезонза..

Вов ня мядхненъ мархта пачко-демя Рузаевкав.

— Племяш, стяк, пачкодемя!—оргалдомань копорьти Назар Мак-симовичь.

Рузаевкав пачкодемя веть, весь ульсь мани. Менельса сяннь кумба-равкс цифтордсть таштентнень, конат сей-тов йоряфт, кода виденьдема аф маштыень видьмот. Аф пяк ичкозе уназевсь заводонь гудок, конац нинге весть кемокстазень вагононь-кень ингеле ащи часттнень стрел-каснон вернайста няфтемаснон—12 част.

Лисемя вагонца. Назар Макси-мовичь тусь ингели, вокзалть ши-ри, а мон йорань нежедемде „пи-ненъ яшекты“. Но изень кенерь нежедемс, харекшка ломаньясь юрхштадсь вакскан эсь „купэстон-за“ и шарфтозень пацанзон тожа вокзалть шири. Мон серьгадень мельганза:

— Эй, браток, тон лездат тейнь? Мон пильгозень пяк токайне,—эстокиге кармань йоколдома.

Харекшка ломаньясь шарфтьс лангзон и содамань шамнень ко-ряс:

— А-а, шляпа! Тон в'дь тейнь таргамс максеть?—ширьдекиге кизефтемань.

Виде, мон улень шляпаса, и ве-сяланьяста каршезонза отвецьян:

— Мон.

Мзярда нежедсь малазон харе-кшка ломаньясь, монь эстакиге повсь сельмозон ся, што сонь пряц аш, а лафтувонзон лангс шафтф шйайф круглай мокорь, конань эса пиндолдсть кафта равжа ожнат и корхтамстонза акшолдсть кемгаф-тушка рисевай ямкст. Мезе ланго-зонза повфтаф, шовдань тефт тожа ашине шарьхкодь: или уголень кан-немя лештавовань кяскав, или „лор-донь“ равжа фрак... Пильгстонзонь шяпне стане жа няевсть—или кяпе, или кодама б'ди фантастической туфляса, конат век аф каладкш-нихть. Хоть и ваксканок йотамстон за кодама б'ди ломань ювадсь

Женькать лангс: „эй, шахтер, тапа-тя!“... Но ты почетнай лемсь теенза кона ширьденье изь маладкшне.

Мон максонь теенза цебярь па-пироска, путыне лафтувонц лангс-кязезень и цебярь ялгань валса-мьярьгонь:

— Аде!

Харекшка ломаньясь эстокиге-фатязе инголен ащи чемоданьять и эрязста тумя вокзалть шири. Виде, чемоданьяста патефонда баш-ка мезевок ашель, но тейнь сякокс мес бли арась визькокс. Моньц-фкя кядьсон кандан портфелезень, омбоцеса кирьдян бамбуковой тро-сточка и кода „храмой капиталист“ наруган негрань иль лангса... Тоса лядьсь мялезон, што тяфтама ло-матне кельксазь сятнень, конат теест кемихть и кадыне чемодан-нять кязезонза.

Мон молян саворне, йоколдозь. Сон кеверезь—кевери ингели. Аярдсь эздон кемоньшка сажетть. Но мон коданга изинь сявоньде-мьяльс сяннь, што сон может ворьго-демс. Тя лиссь пади сяс, мес пиль-гозе монь изь сярды и кда думан-дай ворьгодема, то сякокс мон кундаса сонь.

Москувонь поездтне Рузаевкаса лотксихть вокзалть эзда ичкози. А сяс харекшка ломаньясь кандозе чемоданозень пале кити и кармась кяденц полафтома. Мон ювадень:

— Браток, папироскаце палы?

— Матсь!..

Кирьвястине папиросканци мярь-гонь;

— На тон кандк портфельть, а мон чемоданть.

Сон станянга согласиндась. Моль-хтыма серыцек.

Кода лемце?—кизефтинь.

— Женька.

— А мзяра кизодот?

— Кевфкидсь тусь.

— Ого! А коза ардат?

— Казани.

— Цюрась тон, Женька, йофсикс миньценнат!

— А мес?—аф кемозь кизефте-мань.

— Мон тожа тонь лацот арнек-шнень, браток!..

Нежедема васеньце классти и венептезе портфелезень:

— На, монь тяза аф нолдаса-мазь!

Кядьстонза портфелезень апак саять мярьгонь:

— Ну, едрена палка, монь мар-хтон шайтанонь варяс нолдатыдязь! Аде, тяс сядя лямбе.

Сувама йоткова швейцарсь вирь-гядьсь лангзонза:

— Тон коза этят? Тонь аш тяс вастсел..

Мзярда мярьгонь швейцарти; „нолдак, сон монь мархтон моли“. Швейцарсь няезе, што Женькать кядьса портфель, нолдамазь кафтсь-конь.

(Пец моли).

МАССР-нь Совнаркомса

Московско—Казанскай машина-кинъ 5-це отделенияса, август ковть ульсь апак пшкюдть 234 вагононь-марама (погрузкань) планць.

МАССР-нь Совнаркомсь мярьксь-республикань прокурорти, штоба таргамс судебнай ответственность хозяйственной организациятнень-руководительснон и предприятия-нень, конат сязезь вагононь марама-плантть.

(Морд. ТАСС.)

Ответ. редакторсь
Ф. С. РУСЬКИН.